

Band IX., Nr. 4135, Seite 467-468

Fünf Ritter sprechen als Schiedsleute dem Kloster Maulbronn einen Hof in Roßwag zu.

Ohne Ortsangabe, 1291. Mai 17.

In gotes namen. Amen. Wir Albreht von Nievern, Cûnrat von Ingershein, Wolfran von Bernhusen, Cûne von Kungesbach, Ludewic von Wihingen ritter kûnden allen den, die disen brief lesent ôder horent lesen ôder den disiu sache wirt kunt getan, daz her Wernher selige von Rossewac geanamet daz Bilde gap durch got liuterliche unde durch siner sele hail unde zu ainem rechten selgerete dem abbete unde der samenunge von Mullenbrunnen grawes ordenes in Spirer bistum einen hof zu Rossewach gelegen, der sin phri aigen was, unde daz an dem selben hoph dis vur genanten selgeretes her Cûnrat der Wizze phrie von Wizenloch unde vrawe Hiltrut sin elichiu husvrawe dis vor genanten Wernhers seligen herren von Rossewac swester, diu elliu von phrier geburt sint, die vor geschriben herren den abbete unde die sameunge irreten mit gewalte ane rehte unde dar ume wrden von in angesprochen an geistlichem gerihte unde an weltlichem unde diu urtail der benne unde der ahte wrden von rechte wider in geben unde da von erkanten der edel vur genante man her Cûnrat von Wizenloch unde auch phrawe Hiltrut sin elichiu husvrawe von der gotesgnaden ir unrehte, da sie lange inne waren gewesen unde liezen den hof, dar ume sie won dem abbete und der sameung von Mullenbrunnen mit rehte warne uber kume, in ledeclichen unde gar wider, also daz ich Albreht von Nieveren, der hie vor genennet ist, ein ritter, eine kuntschaf[t]t ervûr uf den eit, waz gutes in disen vûr genanten hof von alter hõrete, daz daz disen selben herren dem abbete unde der sameunge solten lazen genzlichen unde phrilichen nach volgen mit allem rehte gesuchet unde ungesuchet. Do erphûr ich ein kuntschapht uf den âit, daz uzgenumenlich horet in den hof von phunzig jaren ein hûbe unde ein acker vor der burge unde ein acker der heizet Hûbacker, bi dem lit ein morges ackers der ouch in dem hof horet unde heizet Linsenmorgen, unde horet in den hof ein wise diu heizet Burgwise unde ein wise diu heizet in dem Widech, ein wise diu heizet under Bûchelden unde zwene brûel in der marc zu Illingen. Wir vor geschribenne ritter Cûnrat von Ingershein, Wolfram von Bernhusen, Cûno von Kungesbach, Lûdewic von Wihingen wrden gebeten bedentalben von dem abbete unde siner samenunge unde auch von hern Cûnrat dem Wiszen phrien unde phrawen Hiltrutten ain urtail ze sprechen uber dise vor gesageten kuntschapht uf unsern âit nach rechte, ertailen daz uf den eit, daz der

II

dicke genante hof ze Rossewac mit der hûbe unde mitten eckeren unde wisen unde gesuchet unde ungesuchet alse diu kuntscha[ft] ist ervaren vor unde hie ist genant mit uzbeschaiden worten, sol phrilichen unde genzlichen aigen wesen des abbetes von Mulenbrunnen unde der samenunge, noch mac noch sol her Cûnrat von Wizzeloch noch vrau Hiltrut sin elichiu wirtin oðer keain ir erben dehein reht dar an haben. Daz aber diz urtail iemer stete blibe, so ist sin ein brief geben gevestent mit des selben vûr genanten herren herne Cûnrates von Wizzenloch insigel, herne Albertes von Nieveren unde auch herne Cûnen von Kungesbach. Hie bi warn geziuge: brüder Sifrid der kelner, bruder Berhtolt von der Niwenstat¹ munche und priester zu Mulenbrunnen, herre Wolfram von Bernhusen, herre Ludwic von Wihingen, herre Gerlach der schencke ritter, siner sun zwene Gerlach unde Herman, Cûnrad des sun von Ingershein.

 Diz geschach nach gotes burte tusent jar zwei huntert jar unde niunzic jar unde jar, an dem niunden tage vor sante Urbanes tage.

—

Textabdruck folgt dem Original.

 Siegel: 1) des Konrad von Wiesloch, s. WUB, Bd. VIII, S. 394, Nr. 3241. 2) des Albert von Niefern, s. WUB, Bd. IX, S. 24, Nr. 3446. 3) schildförmig, 42, 35 mm., zwei gestückte abgewendete Bogenpfähle; Umschrift: + . S . CVN . D . KVNEGESBACH.

¹*Niwenstat*, unermittelt.

Überlieferung und Publikationen

Lagerort:

HStA Stuttgart

Signatur/Titel des Originals:

A 502 U 443

Weitere Angaben

Sprache:

Deutsch

Ausstellungsort:

Ohne Ortsangabe

Ortsindex:

Altwiesloch Wohnplatz (6615)
 Altwiesloch, Wiesloch, HD
 Bernhausen Wohnplatz (481)
 Bernhausen, Filderstadt, ES
 Enzweihingen Wohnplatz (1115)
 Enzweihingen, Vaihingen an der Enz, LB
 Illingen Wohnplatz (7023)
 Illingen, PF
 Kleiningersheim Wohnplatz (1156)
 Kleiningersheim, Ingersheim, LB
 Königsbach Wohnplatz (7184)
 Königsbach, Königsbach-Stein, PF
 Maulbronn Wohnplatz (7043)
 Maulbronn, PF
 Niefern Wohnplatz (7091)
 Niefern, Niefern-Öschelbronn, PF
 Niwenstat
 Roßwag Wohnplatz (1126)
 Roßwag, Vaihingen an der Enz, LB
 Speyer, SP